

نومرو : ۷۳

اجتهاد

اداره خانه

ایستانبول . جفال اوغلنده

دائرة اجتہاد

Idjtihad Constantinople

دوردنجی سنه

حریت فکریه یه خادم

نجشبه کونلری چیقار اجتماعی، ادبی مجموعه

مدیر مرخص : الہامی صفا

آبونه

سنه لك آلتی آیلق

تورکیا ایچین ۴۰ غروش ۲۵ غروش
ممالك اجنبیه ایچین ۱۰ فرانق ۶ فرانق

نسخه سی ۵۰ یارم

۲۵ تموز ۱۳۲۹

کوزلرندن یاش و جریحه لرندن قانلر اقان بدبخت عثمانلی وطنی!....

آفریقا و اوروپاده کی صوڭ انقاضمزدن یوکسلمکده اولان اینلرک هپسینی بو ایتالیان موزیقه سی بوغمش ، صوصدیرمش ، استانبول تپه باشنده اکلیور!...

آه اوزمان برکزه ده کوردم و ایمان ایتدم که بو کیرلی یزانس خرابه سنده هرشی ساخته و هرکس یالانچیدر . وطن ، حیت ، ملت کبی کلمات مبارکه نک قیم و ماهیاته مدلوللریله دکل ، یالکز کتیره بیله جکی تقود و اذواق مقداریه حکم اولنیور . هرکس کندی هوی و هوسنه خدمتکار.... هرکس کندی مشتهیات نفسانیه سنه وسائط استفادن بشقه بو طور اقدن برشی ایستیمور و بکلیمور . ایشته اوزمان یوک ژورده سک بورعدين سوزلری حافظه مده چیغلقلر ، و اویلا لرله او یاندی ، ایکی المی یوزمه طوته رق :

— آمان یارب!.. انقراضدن اول بزه پارچه حس و برازده حیا احسان ایت!..

دیدم .

اوت اللهم!.. اذعاندن ، عرفاندن ، مصیبتلرک کتیردیکی و کتیره جکی تجربه لرندن متولد رویتدن ، بصیرتدن ، هرشیدن و از کچدک . بزه یالکز حیا و حس ویر!..

کوزلرمی بو محشر لوئیات اوکنده قاپادم . نظر تخطرمی آناطولییه چویریورم . صوڭ غروشنی و صوڭ اولادینی عثمانجهڭ و فاسز روم ایلنده کی صوڭ طور اقلرینی محافظه یه کوندرمش اولان دیارک مناظر خراب و نالانی برر بر کوزمک اوکندن کچدی . امراض کونا کونک دندان بی امانیه کیرلمکده اولان او قری و قصباده کی بازوان زنده روم ایلنده کی اردولره آلمش ، تارلا لرنده علیل ورعشان اختیارلرله حامل و ناتوان قادیلر ، مفتور و بی تاب چالشیورلر . طور اقدن ده انسان کی غذا و دوا ایستر .

استانبول اکلیور!...

دره بقوس مسئله سی فرانسه نک لوئیات اجتماعیه سی برر برر تشهر ایتدیکی صیره ده برسوسیالیست - غالباً بدبخت ترکیانک محب عالیجنابی ژورده س - او محشر ذائل اوکنده تهووله قیام ایده رک ،

[اگر فرانسه هیئت اجتماعیه سی بودرجه ده فساد اخلاقه دوچار اولمش ایسه ، انقاض ملوئیه سی یکی بر هیئت اجتماعیه یه تمیل اولمغه بیله یارایه میه جقدر (*)] فریادیله مملکتک سیمای ذلته توکورمشدی .

برغیظ نجیب ایله سویلنمش اولان بوسوزک فرانسلر ایچون نه قدر طوغری اولدیغنی بیلمم . فقط بوسیله ده کوکدن بزم حال و شانمزی مفسر بر آیت اینمک امکانی اولسه بدی ، او کلام سماوی ایله بوادعای خاکی هم حکم و هم مال اولوردی . بوکا یالکز حس و محاکمه ایله دکل ، مشهودات ایله ده واقف و قائم . و نائق قناعتدن برینی ایضاح ایدیم :

دون آفتام تپه باشی باغچه سنه کیتمشدم . قرقی ، الیمی ، آلمشی ، نه قدر اولدیغنی بیلمدیکم و صایمادیغ ایتالیاندن متشکل بر موزیقه جی سوریسی - ایتالیانک آلری و وجدانی کی - قیپ قیرمنی لباسلر کینمش ، باغچه نک اورته سنده کی محل مخصوصده متوالاً کورولتو ایدیورلردی . طرابلس غربک ، بنغازینک ماجرای ابد نالانی اونودلش ، هرکس مسعود و یالکز ماضیدن دکل ، خالدن و استقبالنده امین ، ایتالیان چالغیچلرینک - آفریقای عثمانینک خون معصومیه ژنکدار - آللرنده باغیران آلتلردن مترشح اذواق و نشویه کونا کون مابعلردن تقطر ایدن سکرلر قاریشیور . آراده بیگانه و منسی طوران وطن ، یالکز وطن بو دقیقه ده

(*) Si cette société est à ce point corrompue , ses débris immondes ne pourront même pas servir de fondement à une société nouvelle .

آناطولیده کی انسانلر کی طوپراقلرده غداودادن
محروم ، آشنمش ، یورولمش ، چورومش ؛ بو دقیقهده
سفالت عضویه ایله سفالت ترابیه آل آله ویرمش ، دواثر
مرکزیه نك صاری بویالی ، لاقیدوبی حس دیوارلرینه
یاوارییورلر .

یوللر باقیمزلقدن برر مهلکه اولمش ، طرق مناقله
حیوانلرک ، مجاری میاه تارلارک قاتل ومقتل در . کندی
کوزلرمله کوردنم : یاغور دعاسته چیقلدقدن اوچ کون
صکره هزارعی صوباصاردی : اومناطق اوقدر تارمارکه
باران رحمت ، فیض وبرکت قدرسیل و آفتی ده حامل !...
آناطولی طوپراقلرینک عروق فرسوده سندن زحمتلر ،
اذیتلرله قوباریلان مدارزندکی ده اولادینه قسمت اولیور . تبه
باشی باغچه سنده کی ایتالیان موزیقه سی دهان حرصی آناطولینک
ینبوع مساعیسنه طیامش ، هر دانه یی وهر آچهی یونمغه
چالشور .

برکت زار اولان یرلرنده بیله آچلق ، سفالت ،
امیدسزلک آغلایان آناطولینک بو سکوتی البته چوق
سورمن . هر شینک اولدیغی کی توکل وتحملکده برحدی
واردر . واوده برکون البت اواینیر . استانبولک هواچس
اذواقپرستانه سنه واسطه استیفا اولمقدن بشقه برشی اولدیغی
اوکر نه جکی زمان - که پک اوزاق دکلدر - اوکائیگی
ومقاومتشکن برتاب صولت کله جکدر . حقوق ووظائفندن
خبردار ایدلمش اولانلرده حاصل اولان قدرت مهوره
قیرلماز ، قیرار . حقک سلاح اقدسیله مجهز اوله جق
آناطولی ، البته بوغافل ومتعظم پایتختک قارشیسنه دیکلهرک
اوندن حساب ایستیه جک و آله جق در . بوطلب واستحصالده
کوستره جکی سیای عزیمک ، اولکیلر کی نیازکار عدالت
دکل ، اشمئراز آلود تهدید اوله جفته شمیدین امین
اوله بیلیرز .

فقط کوکل ایسترکه او حساب ایسته نمیدن بو حق

ویرلسون . بوکون تبه باشنده کی ایتالیان موزیقه سی
بسلمک ایچون نسوان و پیراتی چالشدیران آناطولینک
دوست توکل وتحملندن فیرلایه جق مشته نا کهای ، طرابلس
غرب ایله بنغازینک اینلرندن متشکل نغمات ایله پرغنی
صفا اولان بینلری باطلاعه دن اول ، بومغرور وعنود
حساب ویرلمی در . عقل وبصیرت بونی ایجاب ایدر .

عقل وبصیرتمی ؟ ... هیات !...

سلیمان تنظیم

(مسعود ادرنه) یه ا

مظلم نقاب دشمنه معروض اولنجه سن :
آیلرجه اشتیاقکی چکدک ملال ایله ؛
یاردق ردای تارکی : سیف هلال ایله ،
مغموم افکلرک اولیور شمدی شعله زن !..



برغازه لطیف ایله خندان نشوه سک ..
کیردک بهشت - سایه اسلامه بردها !..
آچش ظفر پرلری : برخاور رها
فوقکده مشعل ابدیت قدر برین !...



بیله یردی بارقات سیوفیله اردومن :
اعدایی سوردی خارجه . دهشتلی برمجوم !..
کویا ظلامی چیکنه دی برموک نجوم !...
شنسک دیمک بوکون ینه غمدیده یوردمن ؟ !..



آلتون قر : الهه الهام نصرتک !
اوراد حق اولور سکا کلبانک اعتلا ؛
سرپر سروش نوری الماسلی برسا ،
تابان : فروغ فوز ایله انتظار حسرتک !..

فوزغنجیق : ۱۰ تموز ۳۲۹ فیلورینه لی

ناظم